

新安縣志卷十三

文類 併

藝文志第四

周子有言曰文以載道也輪轅飾而人弗庸徒飾也
况虛車乎故知修辭立誠乃足傳世行遠非上有闕
於風化下有裨於人心一槩不敢濫入豈得以於博
雅誇富多漫托經國鴻猷也哉舊志編次未當今分
類彙列按時代為先後後之
覽者可以徵文而考獻矣

頌

文類之一
計一首

萬年寶歷頌

有序

國朝光祿寺卿呂謙恒邑人

蓋聞一萬八千春志長年於盤古四萬五千載稽靈
祚於三皇由黃帝而建唐虞御寰區於攸久歷禹湯
而迄文武膺歷數於昌隆書陳無逸之篇殷宗享國
詩詠哲王之什周室配京自是而還罕聞其匹若夫
數周甲子紀年者歎為奇逢瑞應籙圖徧德者游於
元化斯誠生民所未有應知大地之齊懽欽惟我

上運協壽年祥符壽日遐齡衍祉歌天保如山如阜如
岡如陵皇極微休賡大德得位得祿得名得壽七政
齊而三光耀爰答陽以順陰九圍式而八紘清因柔
遠而能通白環銀甕合山國澤國以俱來西盡南琛
兼為梯為航而並至功彰捷伐婉威於丹水青邱德
懋陳常並美於虞庠殷序跂行蠕動莫不尊親日照
壽考聖人居六十年之慶預卜霜長回寅時惟

國運綿億萬載之休駕序超躋瞻
天顏之有喜螭階窈窕覩雲物之方新鞭敲遠聞嵩呼徧

起綰紛霽景射雉尾而騰輝繚繞爐烟偕鸞旌而綢
采玉階仙仗集萬國之冠裳

金闕曉鐘開九天之宮殿小臣何幸盛典躬逢述耆定

皇功莫贊效華封之祝
聖德難名氣轉洪鈞欣朝正而獻歲天開壽域快就日而

瞻雲敢作頌辭
以颺泰運頌曰

惟

皇受命長發其祥乘乾御極出震當陽卜年卜世寢熾寢
昌日出日入來享來王天縱岐嶷維離於九郊祀日
嚴燔柴升禋雍雍肅肅工歌元首動靜合德惟仁者
壽既敬乎天乃勤乎民蠲租賜帛化洽風淳淪肌浹
髓厚澤深仁太和元氣六合同春道接虞廷軌中乃
建學卽尼山一貫乎萬紫陽遺書炳若星漢鑄史銘
經光華復旦文德爰矢武功亦張青邱鏊壘丹浦濟
航瘡痍問罪斧鉞秋霜海外漠北我師我疆普天之

下率土之濱時純熙矣慶洽神人澤沛八埏光燭三
辰九功惟敘重譯來賓無逸乃逸運周甲子於斯萬
年自今以始民登壽域朝賡喜起含哺鼓腹徧乎下
里氣轉皇州光騰紫階有道惟

聖無疆惟澤皇建其極四方為則啟慕素絲傾茲葵赤衢
歌巷舞白叟黃童跂思就日聲徹呼嵩景星慶雲燦
爛昭融垂裳臨宸解愠歌風巍蕩難名文章有煥

一人臨軒萬國懼忭大撓撰厯容成握筭穆穆皇皇卜年
以萬

記

大類之一
計十四首

頌德碑記

新安令
元諱瓘

唐節度
副使

王

筠

惟公曾祖諱皇行都督府錄事參軍祖震豐州刺史考忠
滑州靈昌縣令公能繼大賢克昌厥後解褐薛王府參軍
厯河南新安縣尉轉濟源縣主簿遷光祿寺主簿官雖未
遠名乃益隆由是宰汝州梁縣懷州河內三縣今鏤章是
式朱紱斯皇加朝散大夫猶舊任也甲子歲二月有詔大
擇邑長俾康人庶公厯試旬服適多頌聲自山陽復為新
安令明號令正獄刑閱疆理均井賦一之歲不茹不吐二

之歲作懟乃止三之歲不競不綵四之歲人異周漢化同
蒲密此邦也郭抱連麓門關故關當洛陽西偏之境接長
安東狩之區日候萬乘歲供百役公化洽於下使推循良
名聞在天人願襁負輸飛台閣其則不遠筠等仰念遺惠
永懷令紀文成不刊可勒永久頌曰天命良宰操刀必割
三科設教四人棄末庶政其凝在邦必達愷悌君子德音
來括人有子弟卵而翼之人有土田播而植之用人惟已
去惡無疑永懷惠化頌德豐碑

萬歲蟾蜍記

宋

失名

政和改元歲次辛卯道裕清寧化被動植仁天德日兼覆
並照天地之產交通咸和薄海內外恬愉鼓舞山川草木
裕如鳥獸魚鱉咸若薰為太平罄圖郊社創見之瑞日貢
於有司非曠古之寶史不書也十二月令朝請大夫集賢
堂修撰東西路計度轉運使甘棠張公權判河南知府以
經畧之才振宣化之任靡冤弗雪靡墮弗修優游暇豫吏
循民安是時屬邑新安有萬歲蟾蜍背生芝草農夫謝彥
得而獻之嘗凌晨汲水於龍澗之津覩此一蟾望目而拱
已而立化翼日視之背生芝草長三寸許凡十五葉葉間

復有異草蒙茸蒼翠歲寒不凋謹按抱朴子萬歲蟾蜍肉
芝佩之可以避兵又按孝經援神契王者德至草木則芝
草生今則木肉兩芝合而為瑞古所未有依類推之蟾目
望日昭久視也翠草不凋示長生也葉有十五數同蓂莢
載之於背事等圖書兩芝相重重熙累洽之祥也蟾乃望
舒之精芝固若木之秀日月合璧之象也此固非分歧合
顯連理共葉所能擬也張公以其瑞獻何公率百官朝賀
不其盛歟政和二年四月晦日書庶來者有考焉

按宋史罕輔表政和元年何執中張商英俱為僕射八

月丁巳張以觀文殿大學士出知河南府兼西京留守
文中張何蓋即此二公也

古道觀記

阮高凝

新安西南三十里有古道觀一區原隰秀潤形勢亢爽傍
曰子貢之谷蓋世俗相傳於書無據也壬辰兵間蕩為灰
燼踰一紀至甲辰而後有道者超然劉公挈其徒數人來
自終南結茅故址其厯敘山中四時之樂者粗嘗概見惜
其遺文逸墜於造道淵源基承統緒闕焉無見也其曰干
戈甫定民物息肩彌大劫火俱為瓦礫之區徧地兵塵盡

作虎狼之園萬里繁華一風吹盡此皆感慨流離百念灰
冷其進道之心蓋已確然見於言外矣又曰吾徒披荊棘
新殿宇翼以亭榭植以松竹引清泉於藥園耘秀谷於石
田當其花氣濃酣鳥聲喧碎境閑人靜麗日舒遲雖山陰
之盛事莫追殆沂上之風雩可擬至若南薰畏日殿閣生
涼有山水之清淑絕城闌之蒸溽雲峰疊嶽重見層出秋
風一披萬類改色素灝清商景氣蕭瑟咀菊蕊之芬香爍
山容之組繡悠然雅趣言味莫窮方冬嚴寒頒受日照山
木瘦枯萬籟俱閒被褐塊然與時消息杳不知為古為今

奚榮奚辱也其序山川觀覽之勝則曰東連洛邑眷惟舊
都百王迭據如彼傳區其北則天壇王屋積翠浮空高依
天際回睨黃河砥柱奔湍怒激飛流萬頃瞬息千里其西
則荆山太華仙人所廬尋真訪道茲惟奧居南望錦屏如
几森列門闔洛水秋風漁歌互答與四時而迭新每相接
於顧挹又不知天台武陵奚往而奚適也觀公此言其殆
遺世獨立漠然風塵之表者歟公蜀之重慶人家世豪石
殖產不貲成童業進士舉甫弱冠罹兵為閔右丁姓者所
俘已而館門下授諸兒句讀三十去家入道受業終南成

道觀又十年雲遊諸方因新安舊家樊姓者留居此地觀
復興度門人楊道素等凡若干羽化於至元甲申春秋六
十有七

秦甘上卿墓碑記

明邑令

申

偉

太原人

甘羅者茂孫也年十二事秦相文信侯呂不韋秦使張唐
往相燕共伐趙以廣河間地唐不行信侯不悅羅曰臣請
行之侯叱曰去我身自請之而不肯汝焉能行之羅曰項
橐七歲為孔子師今臣生十二於茲君其試臣何遽叱乎
羅見唐曰應侯欲攻趙武安難之去咸陽七里立死於杜

郵今文信侯自請卿相燕而不肯行臣不知卿死所矣唐
曰請因孺子行令治裝羅謂信侯曰借臣車五乘請為張
唐先報趙信侯入言於始皇始皇召見使羅如趙說曰王
聞燕太子丹入質秦歟曰聞之聞張唐相燕歟曰聞之燕
太子入質秦者燕不欺秦也張唐相燕者秦不欺燕也燕
秦不相欺故欲攻趙以廣河間王不如齎以五城以廣河
間與強趙攻弱燕趙王遂割五城以廣之秦歸燕太子趙
攻燕得上谷三十城今秦有十一羅還報秦遂封羅為秦
上卿復以始封甘茂田宅賜之

重修儒學記

邑教諭謝有大人

縣治之東舊有儒學創於元至元間侯此土者往往因其故而修治之萬歷十有五年邑侯曾公來蒞茲土越三年乃重修之夫興學首務作士上理下車未遑他政而先圖之亦曰知要而曾侯緩於三年蓋有待也民之情太上樂生其次服教誨其次乃使樂即力役故孟軻氏論孝弟忠信之修在於省刑薄斂之暇日而後設庠序以為教未有以安之而遽圖有以教之民雖強從而飢寒分其念寔難以鼓舞振作而從善惟輕也侯之意殆為此哉始侯未蒞

政時民苦徭甚不辦箠楚隨之民顛而無告侯以為民非
不恤衆特罷備耳即有設庠興序之意未可驟也今三載
征斂之數既已盡蠲箠楚之威既已盡釋民知有生之樂
而無愁嘆之聲今已往可謂暇日矣且夫困而撫之暇日
而教之固賢侯所以長養成就其民而不使轉徙流離逸
居無教者也故教之之術其數在禮樂詩書其法在約束
整齊其實際在彙倫日用立心行己其所日習則於學校
歸焉及今閒暇不兢兢於學校興廢之圖則向者所謂緩
賦蠲租輕刑弛禁不過以長侈心遂逸安富厚之資於富

教云何於是諏日量財庀貲鳩工自文廟而下及兩廡戟門櫺星門啟聖宮祠祀名宦鄉賢祠明倫堂進德修業齋諸生學舍義倉舍舊者新之頽者起之隘者廣之側者端之曰若是民知所以重教者乎工始於丁亥四月竣於是年七月力既不煩用亦優足不先時而固恤民困不後時而罔興民行倘所謂省刑薄斂而後興民興孝弟忠信之教者非乎不然如前所稱首務上理戾已知之矣戾四川富順人諱唯隆慶丁卯舉人

條鞭法記

增光祿
寺卿 孟化鯉 邑人